

سرخس

سر ۱۳۳۰

والله يهدي من يشاء الى صراط مستقيم ديني ، علمي ، ادبي ، سياسي هفته لقي مجموعة اسلاميه در
اتبعون اهدكم سبيل الرشاد

صاحب و مدير مسئول : ح . اشرف اديب

خُطْبَةُ وَهْوِ الْعِظَاءِ

خطبه

۲۵

الحمد لله صاحب الامر وهو يدبره . الحمد لله مالك الملك وهو يسيره . الحمد لله رب القضاء وهو يقدره . الحمد لله الذي لامعارض لما فعل . اشهد ان لا اله الا الله عليه نتوكل . واشهد ان سيدنا محمداً افضل من دعا وتبلى . اللهم صل وسلم على هذا النبي الافضل . وعلى آله وصحبه ملاح نجم وافل وسلم تسليماً كثيراً « اما بعد فيا عبد الله ، مالي اري الخطيب ينصحك في كل جمعة ولا تسمع . مالي اري عينك اسفاً على فساد الاحوال لا تدمع . مالي اري قلبك حزناً على ضعف الدين لا يتقطع . مالي اراك لا تذوب وقد نزل بك منزل . ايسرك الصلوات الخمس وقد تركت . ايسرك اعراض المسلمين وقد هتكت . ايسرك آداب الاسلام وقد هجرت . ايسرك مجداً الاسلام وقد رحل . هل يليق بك ان ترى اخذك في الدين تخرج عن الصراط السوي . هل يليق بك ان ترى المسلمة يراودها المسلم والنصراني . هل يليق بك ان ترى الحرة تمشي مشى الغوية مع كل غوى . هل يليق بك ان ترى العرض مخفوقاً بالعار والحجل . ارضى ان يكون بيت الله معموراً وبيت الله في خراب . ارضى ان تكون الظواهر في انتظام والبواطن في انقلاب . ارضى ان تتأدب في مجلس فلان وفي مجلس القرآن تغتاب . ارضى ان تكون في الدنيا على غير هدى وفي الاخرى على غير امل . اهكذا تفعل امة رسولها سيد الاكوان . اهكذا تفعل امة يتلى بينها القرآن . اهكذا تفعل امة يحاسبها الملك الديان . اهكذا الشرع اهكذا الدين اهكذا العمل . قم ساسل الدموع على هذا الفساد الشائع . قم مزق الضلوع حزناً على هذا الشرع الضائع . قم ذكر نفسك بخطاياك فليس السكوت بنافع . قم دبر امرك قبل حلول الاجل . اتق الله واعلم ان الدنيا ليست دار خلود . اتق الله فقد نصحتك والله والملائكة شهود . اتق الله فقد طال هجرتك للملك المعبود . اتق تريج وتجيح وتصبح بطل كل بطل . روى ابن ماجه ان رسول الله « ص » قال : ان هذا الخير خزان لتلك الحزائن مفاتيح فطوبى لعبد جعله الله مفتاحاً للخير مغلاقاً للشر وويل لعبد جعله الله مفتاحاً للشر مغلاقاً للخير . صدق رسول الله

عبي شيخ العرب

مَقَالَات

رها کار وعلوی تشبیر :

بروسه ده دارالشفقه تاسیسی مناسبتیه

یومی غزته لرك ۲۳ حزیران ۳۲۸ تاریخی نسیخه لرینی کوزدن

کچیرنلر ، شهسز شؤنات یومیه آره سنده شو برقاچ سطاراق یازیلری اوقومشدر :

« درسعات جمعیت تدریسیه اسلامیه سی طرفدن بروسه ده بردارالشفقه مکتبی تاسیسه تشبیر ایداشدر . اشبو مکتبه آلنه جق طلبیه عملی زراعت و بیطر درس لریله علوم دینیله اوقوتدیریله جق ومکتبدن مآذون اوله جق افندیلر کویلره معلم تعیین ایدیله جکلردر . » منور ونوار بر جمعیتک ، بر هیئت مبعجله نك ؛ ساکن وساکت ، وقور آدیملره مفکوره سینه طوغری یوریمکده اولدیغی تبشیرایدن بو برقاچ سطاراق یازی ؛ شبهه ایتمک ؛ بنم کبی بر جوق کیمسه لرك ده قلیلری چیریندیرمش ، پک جوق روحلری نوشین امیدلره دوشورمشدر . های وهوی سیاسیات آره سینه قاریشان بو یازیلری ؛ بن ، آتیده وقوعه کتیره جک ده پارلاق ومعظم تشبیراتک ؛ آزاده آلایش ؛ بر باشلانغی کبی تلقی ایتمک ایسته یور و او یله اولمسنی بوتون قلبه له امید ، بوتون وارلغمله تمی ایدیورم .

بو دیار تارمارده درت سنه دنبری پارلاق اعلانلر ، شعشعه لی رسم ابتدالره بر جوق تشبیراته کیریشیلدی .

فقط ، آره دن وقت کچدکجه اولکی خواهشلر سوندی ، کچیجی هوسلر حرارتی غائب ایتدی . اورته یه هیج بر اثر قونیه مادقدن ماعدا بوکبی خیرلی ایشلره تشبیر ایدم جکلرک انکسار جسارتنه بادی اولمق کبی معکوس نتیجه حاصل اولدی .

شرقه حیات فردیت اوقدر کوکشمشدر که بونک درین جذورینی سوکوب چیقارمق متعب ومدید بر جوق مساعی صرفه توقف ایدر . بو سببه منبی در که ؛ اصیل ومتین بر تربیه فکریه ویرلمدکجه ؛ نسل آتی بی ده جمعیت حیاتیله انسیت پیدا ایتدیرمک مشکل اوله جقدر . بش اون منور کنجک بر آره یه کله رک بویوک بر هوس و خواهشله باشلادقلری مرهانیکی بر تشبیرک نتیجه دار اوله مامسی ، جمعت حیاته اولان تمایلك صوری ، ده طوغریسی تقلیدی اولمسنندن ، بالعکس فردیتک ده چوق نافذ ودها چوق حاکم بولمسنندن نشأت ایتمکده در . باشدن باشه بر فیفای نادانی اولان قوجه بر اقلیمک تنوبری ، عاطل وسفالت زده بر ملتک قورنارلمسی او یله کچیجی هوسلر ، فردی تشبیرله هیج بروقت ممکن اوله مز .

عازم وبصیر تکار نوار دماغاردن متشکل جمعیتلر ، هیئت تنویریه لر در که بومعظم و آغیر وظیفه بی تحمل ایدم بیلورلر و ایتلیدرلر . کتله نك بی امان احتیاجلر آلتیده ازیلدیکنی ، عقور یوقسوللقلرک مرحمتسز دیشلری آره سنده کیرلیدیکنی کوروب طوریرکن ؛ عزیمکار بر خواهشله ؛ نافع ومثمر تشبیراته کیریشیه جکسه سیاسیات واحترافاتک غوغای بی سودینه آتیلانلر آیلدقلری زمان پک فجیع بر منظره قارشوسنده بولنه جقلرینی عجباً هیج دوشونمبورلرمی ؟

خاطره کتیرمک ایستیمورلرمی که بو منظره فجیه نما قارشوسنده کنیدیاری ده تاب آور تحمل اوله میهرق ارییه جکلر ، بیته جکلردر .

بو کون جهان اسلام باشند باشه جهالت ، عطالت کی ثقیل ایکی کابوس آلتنده ازیلیور .

بو ایکی مدهش قورت ، خون آشام دیشلریله مسلمانلرک عروق زند کیسنی پارچه لیور ، کیرییور . منابع حیاتیه سنی نامیور ، قوروتیور .

بوتون بو حالی بیلن ، کورن ، فحیج عاقبتی تقدیر ایدن منور دماغلرایسه احتراصات و سیاسیاتک سراب نوشینی آرتهمنده قوشمقدن کندیلرینی آله میورلر .

شخصی المردن ، غیر مشروع حرصلردن صیریلهرق قیمتدار زمانلرینی دینداشلرینک ، قارداشلرینک تنویر دماغیسینه ، عطالت وسفالتدن قورتارلمه سینه حصر ایتمک لزوم مبرمنی حس ایده میورلر . عجبا اوکسوز اولادلرینک مشمر بر تربیه آلمه سینه ، بر صحرای نادانی اولان مملکتده نورلی ، چیچکللی واحه لر ، ثمره دار و فیضلی صنعتخانه لر تأسیسه چالیشمق زمانی حالا کلدیمی ؟

جمعیت تدریسیه اسلامیه شوبویوک و خدایسند تشبثی ایله متفکرین ملتی ، اغنیای امتی میدان فعالیت و سماحته دعوت ایدیور .

هر درلو شخصی و سیاسی احتراصلردن تجرد ایده رک صرف علمی واجتماعی بر غایه تعقیبی ایچون ساحه جهاده آتیلحق آرزوسیه تیرمین قلبلر برلشیر ، متین و عزیمکار قوللر توحید مساعی ایدرلرسه آرز زمان ایچنده حیرتبخش موفقیتلر تجلی ایده جکنه شبهه ایتمایلدیر . دارالشفقه بوکا بر مثال پایدار دکلیدر ؟ ملتک خاطره احترامنده ابدیاً یشایان تاریخی بر قاج بویوک و محترم ذواتک همتلریله تأسس ایدن (دارالشفقه) بو وطنه پک چوق قیمتدار وجودلر یتشیدیرمشدر . پنجه بی انصاف سفالت آلتنده ، صرصر بی امان احتیاج قارشوسنده ازیلکه ، ابدیاً سونمکه معروض نیجه ذکار ، نه قدر معصوم دماغلر بودار شفقتک زیر سقف عرفان نثارینه صیغینه رق اکتساب کمال ایتمش ، وطنه نافع و قیمتدار برر وجود اولهرق یتشمشلردر .

صالح ذکی ، امین ، فرید و حسین رمزی بکلر کی ملتک مدار افتخاری اولان صاحب فضیلت متفکملر ، اسماعیل صفا ، احمد راسم بکلر کی نریه ادیبلر بودار فیضک ملتیه یادکار کالاتماسی دکلیدرلر ؟ بروسه ده تأسیسی متصور اولان دارالشفقه نکده مملکتته ؛ بویوک قارداشی کی ؛ فضیلتکار کنجملر یتشیدیرمسنی تمی ایدلم . جمعیت تدریسیه ، تأسیس ایدیله جک بویکی مکتبک پروگرامنی محیط و احتیاجات محلیه بی نظر اعتباره آله رق تنظیم ایده جکنده شبهه یوقدر . اساساً غزته لرده کی یازیلرده بونی تأیید ایدیور . جمعیت تدریسیه نک بومبجل و پیامبر پسند تشبثی آلقشلالر و بوموفقیتی تمی ایدرز .

بومهم تشبث ، قلبلری سعادت ملیه تمینسی ایله مالی اولان عاقبت اندیش بوتون مسلمانلر طرفندن ده شبهه سز آلقشلالره استقبال ایدیله جکلر .

فقط متفکرین ملت ، متمولین امت بوخیلی تشبثی یالکمز

آلقشلامقله می اکتفا ایتلیدر ؟ ! بویکی مهم تشبثانه فکرآ ، مالا ابراز معاونت ایتمک هر مسلمانک وظائف وجدانیه سندن دکلیدر ؟ بویولده آتیله جق خطولر ، صرف ایدیله جک غیرت و ثروتلرک (وجاهدوا ...) فرمان جلیلی احکامنده داخل اولدیغنه تردد ایدیله سیلیری ؟

نظرکاه حیرتمزه هر کون یکی برخارقه فیه وضع ایدن غریبلیلر وطنلرینی بویکی هیئات کرامک تشبثات عزیمکارانه سیله قورتارمشلردر . آوروپانک ، امریقانک نشئه دار افقلرینی ، روحنواز و شطارت انکیز ذوقلرینی براقهرق عربستانک اقالیم یابسه سینه قوشان ، اورالرده مکتبلر ، صنعتخانه لر تأسیس ایله تمدین نامی آلتنده بدویله زررق افکاره چالشان هیئتلرک ، موسیونر جمعیتلرینک ، بزم ضررمزه اولان عزیم و فعالیتلردن اولسون یاریق که بر حصه انتباه آله میورز . جمعیت تدریسیه اسلامیه بوکون یالکمز بروسه ده دکل ، ممالک عثمانیه نک هر طرفنده دارالشفقه لر ، دارالایتملر آچلی دکلیدر ؟ مملکتک الک بویکسک ، الک نجیب سیالردن متشکل اولان هیئت محترمه بوامنیه ایله کیم بیلیر نه قدر چیرینمشدر .

بوکون بروسه ده اعلا ایدلمک ایسته نیلن بنیاد معرفته ، یارین قونییه ده ، مناسترده ، ارضرومده ، بغداده ، شامده ده برر کاشانه عرفان ترفیق ایتمکی کیم بیلیر نه قدر دوشونمشلر ، نه قدر آرزو ایتمشلردر . فقط ؛ نهوت فقط نه چاره که یاریوق ، یارمدمدکاریوق ! بزهرشیئی حکومتدن بکله مک خسته لغندن قورتیله مز ایه ک بوتون طاتلی امنیه لر مزی عدم آباد نسیانه کوملمی یز .

هر یرده ، هر مملکتده بویکی علمی ، صناعی ، زراعی ، اجتماعی و تمدینی تشبثلره دائماً اهلینک منور صنفی رهبر اولور . حکومتلرده بوهیئتلرک مساعیسنی تسهیله خدمت و معاونت ایدرلر .

هر درلو احتراصات و آمال سیاسییه فوقنده اولحق اوزره لزوم تشکیلی سبیل الرشادک کچن نسخه لرندن برنده عرض ایتمش اولدیغ (هیئت تنویریة ملیه) لر ، ایشته بویکی مقدس و علوی غایلر تعقیبنه حصر مساعی ایده جک هیئتلردر .

افراد ملتی خسیس و سفیل تمایللردن ، نفرت انکیز وعادی احتراصلردن قورتارهرق ، مشمر و فیضدار بر ساحه فعالیتیه سوق ایده جک اولان هیئت تنویریله خلقدده جمعیت فکرینک تمیه سنی ، فردیت میلنک آزالمه سنی تأمین ایده جکلردر .

آنحق اووقت ، محیطی قابلایان کابوس عطالت طاغیله رق ملتک پیشگاه عزیمنه واسع بر ساحه فعالیت آچیلور . زنده و منور کنجملر بوساحه فعالیتنده متین و سریع آدیملره اوج ترقی و تکامله طوغری قطع مسافه ایده رک کچدکاری ، اوغراقلری یرلری ، حزمات عرفانلریله ، نور معرفته غرق ایدرلر .

بروسه دارالشفقه سینه آله جق یتیم و بییکس چوچوقلر ، بودار فیضک آغوش عرفاننده پرورشیا کمال اولدقدن صوکره ، فیاض دماغلری متین بازولریله ملتی قورتارمغه ، بییکس کوبیللره نوار و عزیمکار برر ولی

مشفق اولمغه قوشاچقلردر ، نه علوی تشبث ، نه مبیجل نتیجه ! ...
جمعیت تدریسه اسلامیة نك بوفیاض و متمر تشبثده موفق اولسنی تسهیل
و نمی ایتک ، بواوغورده هر تورلو فداکارلقدن چکینماک بوتون
مسلمانلرایچون بروطفیه مقدسه ، بروطفیه حیثدر .

م . شمس الدین

نسائیوندن جواد سامی بکه آچیق جواب

بك افندی !

۲۵ مایس سنه ۲۲۸ تاریخلی مکتوبکزی آلدیم . جوابی مقاله نك
خاتمه تعلیق ایتدم . ایستدیکیز طرزده جواب ویره مدیکمه متأسفم . مسئله
شخصی دکل . بوتون بر مات اسلامیة نك حیات ملی و اجتماعینه شاملدر .
بوجترم وجود دینی و ملیتک - عرفاً آرناوود اولدیم حالده جاذبه ایجاز توحید
ایله - الحمد لله علی نعمت الایمان و الاسلام - بر عضو ذی حیاتی بولونیورم .
وظیفه نك تقدیری ایسه هر درلو درجه تقدیرک فوقنددر . مقاله عمیق
بر تأثر وجدان ایله - موافقاً - ختام ویردم . ایسته شمدی نوبت سزک
مکتوبکزه کلدی .

« سبیل الرشاد مجموعه سنده ایکی هفته دن برو » بزرده نسائیون نصل
نورده دی ؟ « عنوانلی مقاله لر یازیورسکیز . طرز تحریرکزدن غایت عالم
[استغفرالله !] و دیندار بر ذات اولدیفکیز آکلشیلور . « دی به
بووک بر توجهله سوزده باشلارکن » لکن علمک شرط اولی لایخطیلکه
قالیه مامقدر . « بن نه سویلرسیم عین حکمت ، موافق شریعتدر . بنم فکرمی
قبول ایتیم دینسر ، خائن ملتدر . « دیو اورتیه آتیلیم عالم بر آدمه یاقیشیری ؟
جمله استدر اکیه سیله و عنیدار بر استفهام توینخی ایله او بووک توجهکزی
کیرویه آلیورسکیز . کورولیور یا ! بو ، بک آچیق بر تناقضدر . اول
علمک هم ده وصف غایت و کالیله - تجیل ؛ صوکراده توبیخ و تهجیل ! ؟
« علمک شرط اولی لایخطیلکه قالیه مامقدر الخ » دیمک « سن جاهلسک
هنوز علم نه دیك اولدیفی بیامورسک . بیلسه ک لایخطیلکه قالیشماز ، دعوی
انایت ایترسک . « تعبرینک اسلوب دیکرید . خاله عرفانکیز نصل اولدی ده
دها ایلك سطرلرده بوله بر تناقضه دوشدی ؟ البته بونی صورده
حقم واردر . فقط مساعده ایدکده جوابی بن ویریم : حقائق بدیهیه
احتوا ایدن او مقاله یی سز تصدیق و بلکه تقدیر ایده چکدیکیز . ایلك
کلمات توجهکارانه کز بوکا دلیدر . بوسوزلرده بر غیر اختیارلک کیزلور .
جه فائده ، که ایجه دوشمش اولدیفکیز محیط فکرکزی بولاندیردی .
حسکزی بوغدی ، شاشیر ی . سزی الیم بر تناقضه دوشوردی . سزک
بومتناقض سوزلرکز عینله بر خسته نك طبیینه : سز مسلککیزده فوق العاده
متخصص و حذاقت کامله ایله ممتازسکیز . لکن هنوز فن طبع شرط اولی
اولان تشخیص مرض و اصل اولدویدن بی خبر دینه چک قادار جاهلسکیز .
چونکه ویرمک ایستدیکیز علاج فن طبع موافق دکل . سز اون کندی
واهمه کزک تضیقيله ترتیب ایتدیکیز . برده شمدی « بنم بو علاج صوک
درجه موافق فن در . فوق العاده مؤثردر . ایچمزه کز ثولومکیز محققدر »
دعوی خودکامانه سنده بولونیورسکیز . ایچمدیکم حالده بنی « ثولومکیز محققدر »
دی به تهدید ایدیرسکیز . بو ، بر طبیب حاذق و متخصصه یاقیشیری ؟
دیمسه بکیزر . ژاوالی خسته !

بو تشبیه بلیغ - احتمال که - سزک خوشکیزه کیتیز . فقط اخوان
قارئینک بونی تقدیر ایده چکارینه شبهه یوقدر .

ولیس بقر فی الاذهان شی

اذا احتیاج النهار الی دلیل

عزیزم ! عالم ؛ طبیب روحانیدر . او ، روحه عارض اولان امراض
معنویه یی تدوی ایدر . جسمانی خسته افلرک ، باخصوص امراض داخلیه نك

تداویسی - سوریکیز ! - برطبیعی نه قادار یورار ! اولا مرضی تشخیص ایتک ،
صوکر ا اولک علاجی بواق ، مقدار فنیسنی تعین ایتک نه قادار بلنی بوکر !
جزئی بر سهو ، اوافاجق بر خطا خسته بنی ثولومه ، کندیسنی ده قانوک نیجه
انتقامنه تسلیم ایدر . امراض جسمانیه نك تشخیص و تداویسی بوقادار کوچ ،
طیب ایچین برناموس ، حتی حیات مسئله سی اولورسه یا روحانی خسته افلر . !
حمدن مدھش ، و بادن ، طاعوندن مهلاک بر مرض اجتماعی تپه مزه چوکمش ،
بینمزی کیریور . مریض اولان عضو خسته لغندن خبری یوق . شدتله
انکار و عافیتده اولدیفی معندانه ادعا و ادعا سنده اصرار ایدیور . طبیینه -
حذاقتی تصدیق و تسلیم ایتدیک حالده ینه - جهالت اسناد ایدیور و « یچون
اولاد وطندن سزک فکرکزه اشتراک ایتیانلری میسیونر شا کردی نامیله
توسیم ایدیورسکیز ؟ » دی به ، و ااخذه ایدرک وحشت و نفرتله مزوج نظرلر
فیرلاتیور .

بر خسته ایچین اک بووک مصیبت مرضی انکار ایتسی ، طبیعی غیظ
و تهورله قوغمه سیدر . برطیب ایچین ده اک مشکل الافتحام درد ، اک
وجدانسوز عذاب بوله بر خسته نك تداویسنه مأمور اولسیدر . یچاره طبیب
تداوی ایتسین ؛ نصل ؟ ... چکیلوب کیتسین ؛ ممکنمی ؟ خسته سنی نصل
کوز کوره ثولومه ترک ایتسین ؟

ای بیاملیسکیز ، که بن کندی فکرمدن هیچ برسوز سولورم . بلکه
کوزله کورولان ، ال ایله طوتولان حقایق محسوسه بدیهیه دن بحث ایدیور
و قانون الی اولان جناب قرآن حکیمک - عاجزانه - ترجان احکام اوامر
و نواهیسی اولمغه چالیشیورم .

امین اولملیسکیز ، که برطیب سهو و خطادن نه قادار قورقار ، بر ماحی
حیات صفت قاتله سیله قانوک نیجه قهرینه دوشمکدن نه قادار تیزرسبه الله
و قیامت کونته ، اودهشتلی کونک محکمه کبراسنه ، شدت حسابنه ، هول
عذابنه قلباً و روحاً اینانان بر مؤمن عالم آندن یوزیک قات زیاده لرزه ناک
خوف و خشیت اولور . لسان اقدس جناب پیامبر اعظمیدن اولوق اوزره
روایت اولونیور ، که « لویعلم المرأ مایأئیه بمعدالموت ما کل اكلة ولا شرب
شربه الا وهوبیک و یضرب علی صدره . اگر انسان ثولدکدن صوکرادوچار
اولاجنی احوالی بیلسه یدیک هر اقمه یی ، ایچدیکی هر بودوم صوی کوز
یاشلریله ایصلا تیر و سینه سنی دوکر . ایچنه زهر اولور کیدر . فقط احوال
مابعد الموت بیلیمزه ذوق و صفا ایچنده کمال حضور و راحتله بول بول یر ایچر .
ژاوالی غافل ! جامع صغیر . امام سیوطینک . »

هرکه او بیدار تر پردرد تر

هرکه او آگاه تر رخ زرد تر

بوراده قانوک نیجه عدالتدن تخلص کریبانه امکان واردر ، لکن
فردای حشرده اصلاً بوراده النجا ، التماس قابل . اوراده محال اندر محال ،
(والیوم الاخر) اوله هول انکیز ، اوله خرد سوز برکوندیر ، که انسان
افعال جنائیة دنیویه سنی بوتون قوتیله انکار ایتک ایسترکن علیهنده کی شاهد
لری یته کندیسنده کورور . کورور ، که لسانی ، اللری ، آیانلری عاینه
شهادت ایدر . ایسته قرآن حکیم : « یوم تشهد علیهم السنتم و ایدیم
وارجلهم بما کانو یعملون . سورة جلیله نور . » لارک ، آیانلرک نطق
استقامدی اولونیور ؟ دبل نامنه برات بارجه سنه ضربت نطق ویرن جناب
قادر علی الاطلاق نه دن اومزیتی (ال) . « ایغه ، کوزه ، قولاغه ویرمه سین ؟
سن انسان ایکن صدای سینه ما توغرافه آیر ، صاحبی ارفاق حق بر قوطی ایچنده
کیزلیمش قدر بر خارقۀ اقتدار کوستررسین ده سنی یاراتان الله اکبر نه دن
(ل) ی وایغی سوبلته سین ؟ سن شرایة جلیله ده « ایدیم و ارجلهم »
تراکیب منیفه سنک (السنتم) نظم مقدسی اوزرینه عطفته دقت ایت ! بو
عطف دیورکه : « للهک عینده ال وایغک لساندن بر فرقی یوقدر .
لسانی سوبلندیکی کی ال وایغی ده سوبلته یی . « عاقل ایچین بونده استقامد
ایده چک ذره قدر بیلله بر غرابت یوقدر . بالمعکس بک طبعیدر ، ما بعد -
الموته اینانیا نلر ، اوموز سیکه کزک استخفاف و استهزا ایله کولنلر ثولومی ده